



JAMHURI YA MUUNGANO WA TANZANIA

TAARIFA KWA VYOMBO VYA HABARI KUHUSU KUANZA KWA MAFUNZO YA WAKUFUNZI WA SENA YA WATU NA MAKAZI

YA MWAKA 2022, NGAZI YA MKOA TAREHE 06 JULAI, 2022

Ndugu Wanahabari,

Kama mnavyofahamu, Serikali ya Jamhuri ya Muungano wa Tanzania inaendelea na maandalizi ya Sena ya Watu na Makazi ambayo itafanyika tarehe 23 Agosti 2022. Kwa mujibu wa miongozo ya Umoja wa Mataifa ya kufanya Sena ya Watu na Makazi, mafunzo kwa wakufunzi, wasimamizi na makarani wa Sena ni hitajio la msingi katika kufanya Sena yenye ubora na inayokidhi vigezo vya Kitaifa, Kikanda na Kimataifa.

Ndugu Wanahabari,

Mafunzo katika ngazi ya Taifa yamekamilika na yalifanyika kwa siku 21 kuanzia tarehe 10 hadi 30 Juni, 2022. Lengo la mafunzo haya lilikuwa ni kuwajengea uwezo na uelewa wa pamoja washiriki wote kuhusu nyenzo zote za sena pamoja na utaratibu mzima wa kufanya Sena ya Watu na Makazi, Sena ya Majengo na Sena ya Anwani za Makazi ili waweze kwenda kufundisha katika ngazi ya Mkoa.

Washirikiri wa mafunzo katika ngazi ya Taifa walikuwa ni Wataalam kutoka katika Wizara, Idara na Taasisi za Serikali, wawakilishi kutoka Vvama vya Watu wenye Ulemavu na Wawakilishi kutoka Sekta Binafsi

Hatua inayofuata ni Mafunzo katika Ngazi ya Mkoa ambayo yameanza rasmi leo katika mikoa yote Tanzania Bara na Zanzibar. Mafunzo haya yatafanyika kwa siku 21 kuanzia tarehe 06 hadi 26 Julai, 2022. Washiriki wa mafunzo ya Sensa katika ngazi ya mkoa ni **wataalamu** kutoka TAMISEMI ikiwa ni pamoja na Waratibu wa Sensa wa Wilaya, Maafisa Elimu Mkoa na Wilaya, Wataalam wa TEHAMA wa Wilaya, Maafisa Maendeleo ya Jamii wa Wilaya, Maafisa Mipango wa Wilaya, Waratibu Elimu Kata, pamoja na wawakilishi kutoka Vyama vya Watu wenye Ulemavu nchini.

Baada ya mafunzo haya washiriki watakaofaulu watakuwa na wajibu wa kwenda kufundisha wasimamizi na makarani wa Sensa wapatao katika ngazi ya Wilaya/Tarafa/Shehia kwa muda wa siku 21 kuanzia tarehe 29 Julai hadi tarehe 18 Agosti, 2022.

Ndugu Wanahabari,

Napenda kufafanua kuwa, washiriki wa mafunzo ya Sensa katika ngazi ya Wilaya ambayo yataanza tarehe 29 Julai hadi tarehe 18 Agosti, 2022 watakuwa ni makarani, wasimamizi wa maudhui na wasimamizi wa TEHAMA. Washiriki hao watakuwa ni wale Watanzania waliokidhi vigezo na wenye sifa zinazohitajika ambao walikamilisha maombi ya nafasi hizo mtandaoni na waliofaulu kwenye usaili ambao utafanywa na Kamati za Sensa za Wilaya na kabla ya tarehe 29 Julai, 2022. Aidha, washiriki wengine wa mafunzo katika ngazi za Wilaya ni pamoja na Watendaji wa Kata, Watendaji wa Mitaa na Masheha wote nchini ambao wataingia kwa nafasi zao ili waweze kwenda kusimamia vyema utekelezaji wa Sensa katika ngazi zao za Utawala.

Ndugu Wanahabari,

Ikumbukwe kuwa, kuanzia tarehe 6 hadi 26 Julai 2022, Kamati za Sensa katika ngazi ya Wilaya, Kata, Mitaa na Shehia watakuwa na jukumu kubwa la kukamilisha mchakato wa ajira za makarani na wasimamizi wote Nchi nzima na kuhakikisha kuwa Makarani wote 205,000 wanatoka katika maeneo wanayoishi.

Ndugu Wanahabari,

Kabla sijahitimisha, wito wangu kwa watendaji wenzangu katika ngazi ya mkoa, wilaya, kata, mitaa, na shehia uhakikishe tunafuata utaratibu na kuweka Uzalendo mbele na Busara katika kufanikisha zoezi hili la Kitaifa na Kimataifa hapa Nchini.

Ndugu Wanahabari,

Nimalizie kwa kuwashukuru sana kwa ushirikiano wenu na kupitia kwenu ni imani ya Serikali kwamba ujumbe huu utawafikiwa Watanzania wote na kwa pamoja tutakuwa na Sensa ya mafanikio kwa ajili ya maendeleo ya Taifa letu.

Asanteni sana kwa kunisikiliza

Imetolewa na:

Mtakwimu Mkuu wa Serikali,
Ofisi ya Taifa ya Takwimu,
Dodoma,
06 Julai, 2022.

